

523

使君匹馬走窮邊。橫覽山川幾萬千。此去崑崙應不遠。封侯休羨漢張騫。  
相逢慷慨論兵戎。心繫瀛東佩劍雄。如此英豪誰不識。知君到處兩相融。  
謹呈七律一首敬求少佐大人斧政。浮邱象農、呂燾  
崑崗西邁幸瞻韓。一見傾心兩國歡。娓娓清談飛玉屑。翩翩風度羨金蘭。  
江山勝蹟收吟管。琴劍征袍壓錦鞍。今日騷壇憐我拙。漫占俚句許同看。